

## Канон Святому Пророку Иоанну Предотечи

### Тропарь, глас 2-й.

Па́мьять пра́веднаго с похвала́ми; тебѣ же довлѣет свидѣтельство Господне Предотече. Явилбоя еси воистину пророк честнейши, яко и в быстринах крестити сподобился еси Проповѣданнаго. Тем же и за истину пострадав радуясь, благовестил еси и во аде сущим, Бога являшагося плотню, вземлющаго грехи мира, и подающаго нам велию милость (дважды).

**Слава, и ныне, богородичен.** Вся паче смысла, вся преславная Твоя Богородице тайнства, чистотою запечатленна, и девством хранима, Мати разумѣя неложна, Бога рождыши истиннаго, Того моли спасти́ся душам нашим.

### Канон, глас 2-й. Песнь 1, ирмос.

Во глубинѣ пото́пи дрѣвле, фараонитская вся воинства, преоружѣну силу. Воплощѣтся Слово, преспеющыя грехи потребило есть, преславныи Господь, яко прославися.

**Запев.** Святыи великим Иоанне Предотече Господень, моли́ Бога о нас (поклон).

Крестителю Предотече Христов, погружаемый всегда сластми телесными, ум мой укрепи, и волны страстей укроти, яко да в тишинѣ божественней быв, присно славлю тя.

**Запев.** Недоумѣнным просвети́вся просвещѣнием, яко многосветлая звезда, мысленному Востоку предтекл еси. Им же озаритися сердцу моему, Крестителю моли́, омраченному всеми бесовскими приложѣнии.

**Слава.** В реце Бездну иногда всеумдре погрузи́, потоп содевающу благодатию всего преступлѣния. Но молю́ся: потоки пребогате моих прегрешѣнии изсуши, божественным ходатайством си.

**И ныне, богородичен.** Чистыя Дѣвы, иже Бога воплотившия сродник был еси, блаженне Предотече. С Нею же ты чем и молим, иже в небеснем храме твоѣм ныне живу́ще, храмы и нас сотвори́ Духу Святому.

**Катавасия.** Избави от бед рабы своя, святыи великии Иоанне, Предотече Господень, яко вси по Бозе к тебе прибегаем, ты бо молиши о нас Христа́ Бога нашего (поклон).

Господи, помилуй (трижды, с поклонами).

### Песнь 3, ирмос.

**На** камени мя веры утверди, расшири уста моя на враги моя. Возвеселибося дух мой воспевати: несть свята, якоже Бог наш. И несть праведна, паче Тебе Господи.

**Запев.** Исцели струны души моея, и ум мой омраченный лениостию, озари божественным си ходатайством, Господень Предотече. И всяких избави мя сопротивных обстоянии, молюся.

**Запев.** Неplодьствие разрешил еси рожьшей, родився Божиим промыслением, премудре Пророче. Неplодное убо сердце мое, плодносно ныне соделай ходатайством си, добродетелей приносити изращения.

**Слава.** Иже любовью ти создавший божественнаго храма, вышняго жития улучшить моли. Иже верою храму твоему служащия, храмы Духу Божественному сотвори, Крестителю и Предотече молитвами си.

**И ныне, богородичен.** Веселится Предотеча в ложеснах носим матерних, и поклоняешься Господу носиму во утробе Твоей Богорадованная. Его же моли, от всякия скорби избавити нас. Катавасия.

### Седален, глас 2-й.

Милосердия ради милости Блаже, спасти Своё создание Христэ прииде, преклонь небеса схождением Своим. Тем же страшное смотрение Твоё поюще вопием Ти: мольбами Предотечи Твоего, очищение грехов подаждь нам, яко един Благоутробен.

**Слава, и ныне, богородичен.** Предстательнице тёплая християном, Сыну Своему молися присно Богородице, всякаго злодейства и огорчения избавити нас борца. И дати нам прощение, в них же согрешихом, за милосердие щедрот, Твоими молитвами, Мати Дево.

### Песнь 4, ирмос.

Пришествовав от Девы, не ходатай ни ангел, но Ты Сам Господи воплощься и спасе всего мя человека. Тем вопию Ти: слава силе Твоей.

**Запев.** Преклоньшему небеса, и человеком Примесившуся, главу преклонил еси десницею своею пребогате. Ею же мя сохрани, во смирении соблюдая сердце мое.

Пустыня тебе гражданина непроходна имущи, многоplодна бысть блаженне Предотече. Тем же вопию ти: пусту всяческих божественных деянии бывшу душу мою сотвори плодносну.

**Запев.** Закон божественны управляя, беззаконно закалаешься. Тем же молимся ти: беззаконнующа мя всегда, и потопляема бесовскими прельщениями, исправи.

**Слава.** Создав сам себе храм Владыце Царю, к божественным жилищем ныне прешел еси Предотече. Их же получи ти моли, Иже тебе пресвятыи храм воздвигшаго.

**И ныне, богородичен.** Призри на мя болящаго Всенепорочная, и разреши страсти моя лютыя, и неудобь исцельныя, яко да величаю Тя, возвеличившую все человечество. **Катавасия.**

### Песнь 5, ирмос.

Просвещение во тьме лежащим, и спасение неначаемым Христе Спасе мой, к Тебе утреню Царю мирный, просвети мя сиянием Си, инобо бо разве Тебе Бога не знаем.

**Запев.** В течениих иорданския воды неистления Предотече, крестив Христа, моли источения страстей моих иссушити. И потоки пищныя наследовати, и праведных краснаго радования.

Уже рыдаю и сотержаюся страхом, и недоумением всегда содержим есмь, помышляю моя деяния, и будущего судища ужас. Благоутробне Господи пощади мя, Твоего Крестителя молением.

**Запев.** Закон полагая людем спасеныи, в раскаянии Предотече прегрешении бывшим, посреде закона и благодати став. Сего ради молим тя: образы покаяния нас просвети.

**Слава.** Дажь ми время покаяния, унынием прешедшу все, и изжившееся Благодателю, имея на се молящаго Тя Слове, Иоанна великаго Предотечу, и покаянию всекраснаго проповедника.

**И ныне, богородичен.** Наветми и ловлении лстываго умертвихся, Владычице Всенепорочная оживи мя, рождышая Богородице всем Живот составныи, да Тя пою благочестно Всепетую. **Катавасия.**

### Песнь 6, ирмос.

В бездне греховней одержим, неизследную милосердия Твоего призываю бездну: от тли Боже мой возведи мя.

**Запев.** Глас Слова проповедавыи, всех гласы приимати проси, грехов прощение даровати, иже с любовью поющим тя.

**Запев.** Сокрушение души моея исцели, и грехов бремя разреши. И паче надежи спаси мя, молитвами си блаженне Предотече.

**Слава.** Исуса Его же рукою своею крести, Предотече моли, рукою избавити мя грехи Взимающа, к Вышнему рuce всегда воздвигающа.

**И ныне, богородичен.** Дремание леностно одержит мя, сон греховный тяготит сердце мое, Твоим Пречистая бденным ходатайством, воздвигни и спаси мя. **Катавасия.**

**Слава, и ныне. Кондак, глас 3-й.**

Неплоды днесь, Христова Предотечу раждает, и той есть совершение всякаго пророчества. Его же бо пророчи проповедаша, на Том во Иордане руку положив, явися Божью Слово пророк и проповедник, вкупе и Предотеца.

**Икос.**

Восхвалим ныне Господня Предотечу, его же священнику Елисаветь роди, из ложесн неплодове, но не без семене. Христос бо един вместилище пройде непроходимо без семене. Иоанна неплоды роди, без мужа же сего не роди. Исуса же осенением Отца и Духа Божия, Дева роди чистая. Но Безсеменному явися от неплодове, пророк и проповедник, вкупе и Предотеца.

**Прокимен, глас 4-и:**

**И** ты отроча, пророк Вышняго наречешися.

**Стих:** Благословен Господь Бог израилев, яко посетити и сотвори избавление людем Своим.

**Евангелие от Луки, зачало 31.**

Во время оно, изыде слово о Иисусе по всей Иудеи, и по всей стране. И возвестиша Иоанну ученицы его о всех сих. И призвав два некая от ученик своих Иоанн, посла ко Иисусу глаголя: Ты ли еси грядый, или иного чаем? Пришедша же к нему мужа, реста: Иоанн Креститель посла нас к тебе, глаголя: Ты ли еси грядый, или иного чаем? В той же час, исцели мнози от недуг, и ран, и дух злых. И многим слепым дарова прозрение. И отвечав Иисус рече има: шедша возвестита Иоанну, яже видеста и слышаста, яко слепии презирают, хромии ходят, прокажени очищаются, глушии слышат, мертвии востают, нищии благовествуют. И блажен есть иже аще не соблазнится о Мне. Отшедша же ученикома Иоанновама, начат глаголати к народу о Иоанне: Чесо изыдоште в пустыню видети? Трость ли ветром колеблем? Но чесо изыдоште видети? Человека ли в мякки ризы одеяна? Се иже во одежи славней, и пищи сущей, в царствии суть. Но чесо изыдоште видети? Пророка ли? Ей глаголю вам, и лише пророка. Сей бо есть, о нем же писано есть: се аз пошлю ангела Моего пред лицом Твоим, иже устроит путь Твой пред Тобою. Глаголю бо вам: болии в рожденных женами пророк Иоанна Крестителя, никтоже есть. Мнии же в Царствии Божии, болии его есть. И вси людие слышавше, и мытари, оправдиша Бога, крещьшеся крещением Иоанновым. Фарисее же и законницы, совет Божии отвергоша в себе, не крещьшеся от него.

## Стихера, глас 1-й:

Проповедник быв Агнца Божия Слова, Иоанне пророче и Предотече.  
Прорицаеши бо будущая, и предглаголеши концем: се Агнец Божии, вземляи грехи мира, и подай всем мир и велию милость.

## Песнь 7, ирмос.

Боготривно веление, беззаконующа мучителя, высок пламень вознесло есть.  
Христос же простер благочестивым детем, хлад духовный. Сии благословен и препрославлен.

**Запев.** Корение яко секирою, твоєю молитвою, посекая пострекателя страстей сердца моего, всади Предотече божественного безстрастия страх, неразумия моего яже к Богу, и всякия злобы отчуждая мя.

**Запев.** В струях иорданских яко крестил еси, Покрывающего водами превыспрення Господа. Того моли, воду даровати божественного умиления присно очима мойма, славный Предотече.

**Слава.** Иже миру вземлющаго грехи, Агнца Божия Предотече проповедав, Того моли, от козлиц части явити мя чужда, и десным Его овцам, мене сочетати славне.

**И ныне, богородичен.** Егда убо неплодная утроба носила Тя Дево, во утробе носившую Слово воплощено. Его же божественным взыгранием, великии Предотеца неплодный всесвятое прозябение познав, радуясь поклонися. **Катавасия.**

## Песнь 8, ирмос.

Пещь огнена иногда в Вавилоне, детели разделяше божественным велением, халдеи опаляючи, верный же прохлаждаючи поющих: благословите вся дела Господня Господа.

**Запев.** Дажь десницу мне, на земли лежащему, иже десницу простер Предотече, и омыл еси водами Несквернаго. И избави мя скверн телесных, всего мя очищая покаянием, и спаси мя.

Имуще душе время покаяться, лености тяжкий сон оттряси. И спешно побди, вопиючи Владыце своему: Милосерде ущедри мя, Крестителя Твоего мольбами.

**Запев.** Потопы страстей, и воды злобы до души моея внидоша, блаженне Предотече, потщися скоро изыти мя. Иже речными струями измыв, безстрастия тихую Пучину.

**Слава.** Увы мне, многа зла сотворшему. Увы мне, единому прогневавшему Бога

## Канон Святому Пророку Иоанну Предотечи

Автор: Павел  
27.11.2011 21:56

---

Преблагаго. Крестителю Христов помози ми, и подаждь прегрешением моим разрешение, и долгом моим отсечение, ходатайством си.

**И ныне, богородичен.** Вышняго Бога плотию рождающая, от гноя мя возведи страстей. Оскорбляющих мя и люте всего обнищавша, и божественными обогати мя добродетельми Пречистая, яко да пою Тя спасаем. **Катавасия.**

**Песнь 9, ирмос.** Безначальна родителя Сын, Бог и Господь, воплощся от Девы нам явися, омрачения просветити, и обрати расточения. Тем же Всепетую Богородицу величаем.

**Запев (поклон).** Кала мя избави греховнаго Господи, безгрешне едине, и Многомилостиве, Крестителя мольбами, иже Тебе проповеда всему миру Агнца Божия, вземлющаго человеком грехи.

**Яко шипок** благовонен, яко благоуханный кипарис, яко неувядаемый крин, яко миро честно, имею тя Господень Предотече, моих дел злосмрадия, да избавлюся молитвами твоими, прибегая под кров твой.

**Запев.** Неплодствующа мя безплодием всеблаженне, сотвори делателя добродетелей, благочадие присно приносити, чадо мя Господне творя, и причастника Божественному Царствию, и святых собор единоклещителя.

**Слава.** Нам любящим тя, и верою блажащим, и в божественном храме твоём ликующим, подаждь с небес разрешение лютых, Предотече Господень, и житию исправление.

**И ныне, богородичен.** Носиму во утробе богоматерне, Иже вся носящему манием, поклонился еси Пророче. С Нею же моли, смиренней спастися душой моей, во многая впадаючи по вся дни согрешения. **Катавасия.**

**Задостойник:** Владычице, прими молитву раб Своих **(поклон земной).**

Трисвятое, и по Отче наш. **Молитва Иисусова.** Тропарь: Память праведнаго. **Слава, кондак:** Неплоды днесь. **И ныне, богородичен:** Вся паще смысла. Господи помилуй **(40, с поклонами).** **Слава, и ныне.** Честнейшую херувим. **Слава, и ныне.** Господи помилуй **(дважды)** Господи благослови **(с поклонами).**

**Отпуст.** Господи, Иисусе Христе, Сыне Божии, молитв ради Пречистыя Ти Матере, честнаго и славнаго пророка и Предотечи, Крестителя Иоанна, и всех святых, помилуй и спаси нас, яко Благ и Человеколюбец. Аминь.

Господи, помилуй **(трижды), и обычные исходные поклоны.**